



UNIVERSITÄTS-
BIBLIOTHEK
PADERBORN

Das Märterbuch

Gierach, Erich

Berlin, 1928

95. (30. Nov.) Andreas

[urn:nbn:de:hbz:466:1-66991](https://nbn-resolving.org/urn:nbn:de:hbz:466:1-66991)

- daz man got Jesum vie,
gedultichleich er mit in gie,
25585 daz er ein wort nicht enlie.
*
- habt ewern frid und seit stille,
daz an mir des richter wille
vollichleich müg ergann!
25590 ir schult mein märter nicht
understan;
und seit selber auch perait
zü der marter, zü der arbeit
und habt zü Got zuversicht!
ir schult den richter furchten
nicht:
25595 welt ir vorcht an herzen tragen,
so mügt ir lieber die vorcht
haben
die gen Got czeucht hin,
der sel und leib mag senken in
inder hell abgründe.
25600 Got ewer hercz enczünde,
daz ir des leibes euch verwegt
und umb daz himelrich in gebt!
der richter czorn nicht verrer
gat
wan uber den leib, der schir
auch hat
25605 mit chlainer not volendet.
an die vorcht euch nicht wendet!
die weltleich vorcht ist geleich
dem rauch der gaches sich
aus hebt und zehant
25610 wirt er hie noch dort erchant.
[237^{ra}] furchtet die rach die nimmer
zergat und wert ymmer
hie und dort ewichleich!
werbet umb daz himelrich!
- 25615 do er het gesprochen daz,
damit senftet er der lewt haz.
Des morgens frü alczehant
Egeas nach Andrea sant.
und do er cham für in gegann,
25620 er sprach zü dem rainenn mann:
'mir ist daz vonn dir lait
daz dein ler ist so prait
in allen enden hie worden,
und hast pracht in deinen
ordenn
25625 der welt ein michel tail.
wiltu deines lebens hail
und wiltu auch lenger lebenn,
so scholtu oppher dem abgot
legen.'
do sprach Andreas zehant:
25630 'mich hat Christ in diez laut
gesant durch der sele hail.
ich han auch ein michel tail
im der *lewt* hie gewunnenn,
die nün choment indie wunnenn
25635 die vor Got nicht zergat:
wol in die Got erwelt hat!'
Do er daz het geret,
Egeas schuef ander stet
in pey der schrayat slahen ann,
25640 so lang daz es weib und mann
[237^{rb}] umb in wainten sere.
sein leib gab plütes rere,
so daz es die erd begoz
und hin dan weiten floz.
25645 doch der rain Andreas
inden nötten und er was,
trost er die lewte wol.
er sprach: 'chain nöt ich nicht
dol.

25586. *Da Dreireim nicht ursprünglich ist, fehlt ein Vers, oder der vorangehende ist Zusatz von C.*

25599. *abgründe vor hell gestrichen C.*

25608. *des C.*

25633. *lewt fehlt C.*

25642. *g vor leib gestrichen C.*

- 25715 nim mich von den lewten hin,
gib mich wider dem maister
min,
daz er von dir enphach mich,
der an dir lie tötten sich
durch mich, durch sein hant-
getat!'
- 25720 Do er daz geret hat,
er zoch sein wat selb ab im
und gab ez denn tötern hin.
die selben namen Andream do
und hüeben in an daz chreucz
ho,
- 25725 und mit panden man im tet
als man mit in geschafft het.
sus wart er andenn stunden
andaz chreucz gepünden.
da warn lewt die daz ann
- 25730 sahen, zwainczik tausent man.
[238^{ra}] des richter prüder under des
stünd auch da, Strococles,
der mit denn andern lewten
chlait
Andres marter und sein lait,
- 25735 und jahren, mann tet unrecht
gar dem heiligen gottes
chnecht.
den lewten laid umb in was.
die ruëft an Andreas,
daz ir glaüb stëte wer,
- 25740 so würd ir ende seldombër.
sus er ab dem chreucze her
sterkcht die lewt mit seiner ler.
Darnach andem andern tag
gingen die lewt mit grozzer
chlag
- 25745 zü Egea dem richtër
und sprachen: 'der gottes
seldombër
leidet an recht sölich lait.
uns ist bechant sein heilichait:
er hat scham und senfte sit
- 25750 und beget güet ze aller czeit.
sölich not sol im nicht czemen,
man schol in abdem chreucz
nemen.
wie grozz not an im ligt,
doch er nür predigens phligt
- 25755 hewt den andern tag.'
Egeas davon erschrakch,
daz er noch leben solte;
er lobt daz er wolte
ab lätzen nemenn in.
- 25760 er gie selbe hin
[238^{rb}] und wolt besehen daz wunder.
Andreas daründer
sach Egeam ann
und sprach zü im sann:
25765 'umb wew chümstü zü uns her,
Egea, was ist dein ger?

25715. Nv nim *g*.
25716. Vnt gabz *g*.
25722. tötern hin] martererren sin *g*.
25723. Sÿ namen *g*.
25725.26 fehlen *g*.
25730. nach sahen *Punkt C*.
25731. richters *g*.
25732. Sterocles *g*, Sterocles *Heil. Leb.*
25733. denn fehlt *g*.
25735-40 fehlen *g*.
25736. des *C*.
25741. Andreas an dem *g*.

25742. er die *C*.
25745. Egeo *C*.
25746. Sû spr. *g*. gotes kneht der s. *g*.
25747. not *g*.
25748. erchant sin güti ingot *g*.
25749.50 fehlen *g*.
25753. Swie u. s. w. *g* stets.
25754. nür] fur sich *g*.
25757. nach *C*.
25759. nemen lassen *g*.
25761. sehen *g*.
25765. Vmb waz *g*.

- der *tiefel* im jemerleichen tet,
so daz er in tötte sa,
25820 daz es die lewt sahen da.
des richter prüder Strococles
[238^{vb}] vil recht versan sich des,
daz er zü sand Andre lief
und sein hilf da ann rief.
25825 die leüt vorchten in so sere,
daz da pelaib niemand mere
- er gelaubt ann Got,
und warn mer in seim gepot.
also chomen vil sele von im
dar
25830 mit frewden inder engel schar.
sus mach er uns auch sünden
war
und pring auch uns mit frewden
dar! Amenn.

[239^{va}]**96. Von Sand Nicolao Episcopo.**

- Es sagt daz püch alsus,
daz der werd Nicolaus
25835 wer vonn chindes pain
Got lieb und rain.
er ercaiget frü war er wolde
und wo er hin chomenn scholde.
sein chünftige wüldichait
25840 und sein grozze heilichait
die czaigt er in der wiegen hie:
des mitichens und des freytags
ye
sawget er nür zü ainer stünt;
man chünd in seinenn münt
25845 nie mer pringenn
die zwenn tag mit chainen
dingen.
- do die zeit do für wart,
seinenn sin er do chart,
wie er alles daz getet
25850 das Got für lieb het.
er lag Got mit fleizz ann,
auf nicht anders stünd sein
wann
wannr auf gepet und almüsen
geben
und wachen, vasten, nach Got
leben.
25855 er was vor sünden wol pewart,
an unchewsch er sich nicht
chart.
er was edel und reich,
an allenn dingen tugentleich,

25818. tiefel *?*, fehlt *C.* jemerleichen] vil
we *?*.

25821. richters *?*. Strocoles *?*.
25824. da fehlt *?*.
25827. Sv gloubton alle angot *?*.
25829. Daz wir mit vroudē chomen dar *?*.
25830. Zuo der lihtun e. *?*.
25831. Da wir wonen iemer me *?*. sünd[?] *C.*
war *d. i.* bar.
25832. Des helf vns got vnt sant Andre *?*.
96. *?* enthält 25833—974, 26286—404 mit
umfangreichen Lücken. Überschrift: Von sant
Nicolao *?*.
25834. des *C.*

25835. gebein *?*.
25836. lieb chüsch unt r. *?*.
25837. zeigte *?*.
25842. Der mitchun *?*.
25843. Do soug *?*. nŷwan *?*.
25845. Nimer bringē mit deheinē dingē *?*.
25846. fehlt *?*.
25847. Für die zit hin für wart *?*.
25848. do fehlt *?*.
25849.50. fehlen *?*.
25851. Daz er g. leg *?*.
25853.54. umgestellt *?*.
25853. auf fehlt *?*.
25856. enchart *?*.